

# Y newid yn ein hinsawdd – GlawLif

Ym mhedwar ban byd, mae newid yn yr hinsawdd yn achosi tywydd eithafol, fel sychder, corwyntoedd a llifogydd. Er mwyn ymdopi â hyn, mae Dŵr Cymru wedi creu rhywbeth o'r enw GlawLif. Mae GlawLif yn dal dŵr glaw ac yn arafu ei daith i'n carthffosydd. Mae'n ffordd fwy cynaliadwy o wneud pethau, gan helpu i sicrhau llai o achosion o garthffosydd yn gorlifo a llai o lygredd. Mae hefyd yn creu cymunedau gwyrddach a glanach i ni fyw ynddynt. Mae llawer o bethau y gall pobl eu gwneud i'n helpu ni hefyd:



## Casglu dŵr glaw

Defnyddio casgenni i ddal dŵr glaw. Yna, gallwch ailgylchu'r dŵr a'i ddefnyddio i roi dŵr i'r planhigion neu olchi'r car.

## To gwyrdd

Gall to glaswellt ar gwt, garej neu hyd yn oed dŷ amsugno dŵr a helpu i atal llifogydd.

## Pant draenio

Sianel fas, laswelltog sy'n cludo dŵr glaw o heolydd a meysydd parcio, gan lanhau'r dŵr wrth fynd. Mae'r rhain yn rhoi cyfle i'r dŵr anweddu a suddo i'r ddaear, neu gyrraedd nant gyfagos yn lle'r garthffos.

## Suddfan

Caiff dŵr glaw ei gyfeirio i dwll pwrpasol yn y ddaear i'w storio'n ddiogel ac yna mae'n suddo i'r ddaear ar waelod y twll.

## Basn ymdreiddio

Mae'r rhain yn llenwi fel llyn bach mewn glaw trwm ac yna'n gollwng y dŵr yn raddol i nentydd ac afonydd cyfagos neu, weithiau, yn ôl i'r garthffos i leihau perygl llifogydd.

## Cerrig palmantu hydraidd

Mae rhai defnyddiau palmantu arbennig ar gael sy'n gadael i ddŵr wyneb redeg trwyddynt. Mae'r glaw yn suddo i'r ddaear oddi tanynt yn hytrach na llifo i'n carthffosydd ni.

## Manteision GlawLif

- Llai o lifogydd
- Llai o lygredd
- Lles i fyd natur – rhagor o blanhigion, pryfed ac adar
- Arbed arian
- Defnyddio llai o ynni